

閣文庫
漢書類
四〇九四
冊號
函架
二二四

閣文庫
漢書類
四〇九四
冊號
函架
二二四

677
閣文庫
和書類
三八四五一
冊號
函架
二二四

儒家十七ノ

二二四

内閣文庫	
番號	和 38451
冊數	12 (1)
函號	206 677

206-677

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale


G Y M

© Kodak, 2007 TM: Kodak





淺草文庫



爰稽李唐之法三百卷之有
貞觀尤為審大宋弘文館
列名儒內學士封墳典編次
予之為儒重道如此故其足

卷之八

509-811

以知人臣足以任職知人者明
 矣者得行臣以學任職者良
 矣者者亦得為家於朝此三代
 已降此無有而宜也以此者德
 亦如語曰樸樵逢曰知子曰知人

子夏曰舜有乞卜選於眾
 求卑陶不仁者遠矣湯有
 乞卜選於眾伊尹不仁者
 遠矣由是觀之天者知人
 難矣所謂不能知者杜

後之有志當世者苟能以古
宗之心行古之志以法古之
法乃復見於世矣中道而
廢之則復絕矣志好措其
言遂不能親矣志好措其

亦為人初治宗亦在東字以宣
公之名不姓陸名執字敬
吳郡蘇人及即位召為翰林
學士因以出公曰在平初
以公人其論如若者龜之先見

而不能自反者來之其氣
是豈無治而取亂來者小人
之難遠矣子之而也 附宣公
已為相才德亦高每不能比
功於房杜者可得於其後也

宣公房杜易地而居然宣公
可集教中是法始於房杜
有居陽者所以臣小聖漢家
子魚若能談之知宣公之為
宣公之有梓之是曰物之安

吉名川安貞字昭長者為之集
 釋業之華以昭長之為人臣
 之美者之二生也其子為源
 者也予家其志為存
 安貞公之集

從二位清原朝臣宣長條撰



少納言兼侍從博士清原朝臣宣光書



者一也夫子殂而大道裂焉孟子沒而微
言絕焉自是儒生膠柱刻舟兀上守株故
稷下之學徒飽其肉懿戾之議無所建明
也其終至與俗士為伍焉豈不悲哉吾人
土自復古學興焉夫人自謂得驪珠而其
古也亦唯求馬於唐肆窺鳳於藪澤耳故
與生民不相入猶方鑿之圓枘也甚者以
學代弄纔知讀書賦詩則心多體快播棄

名教讎視莊敬世業以為糞土職任以為
臭腐其殺青滿案不止有之無補無之靡
闕其貽害不訾也故國君用之則敗政士
庶為之則墜業臧穀俱亡羊今而後知其
不誣也嗚呼古之為學也在邦則安富尊
榮在家則孝悌忠信而今也淪胥至如此
謂之何哉余結髮知讀書深慨學術陵遲
欲得古人舍朽因不朽見之事與言者以

開明大道之用也乃自漢至唐反復求之
或有行事而無立言或有立言而無行事
事言兩存者唯陸宣公而已矣其言曰誦
老生之常談不推事變守舊典之糟粕不
本事情三代為治損益不同豈樂於變時
勢不得已也公捨朽因不朽如此其大也
故建中陽九唐之危如累卵而天下士感
激揮淚赴義如歸德宗豐沛不失舊物公

文德焉依其在中書也悃：款：以身禦
虎則曰吾上不負天子下不負所學是所
謂臨大節不可奪君子人者也天不欲亡
斯文貽公集以為經藝鼓吹也而其全集
吾土未梓故欲同之膾炙與共學捨朽
因不朽之道也而寒士不能償其所費齋
志擁膝者久矣吾藩侍臣人見子魚竹
中華卿聞而憫之與助成余志促之上梓

乃以為斯集之於余也其猶驥尾乎徒棹之無為也於是為釋義以托之亦巖穴之不得已也權氏原本前制誥後奏議今以其切世務移奏議於前聊學捨朽者也嗚呼世之讀公集者由是知大道之用在於捨朽因不朽階以見之行事與立言使天下後世知道之不可離猶魚之不可脫水則不啻與公千載比肩而立焉亦與魯諸生

虞升卿旦暮遇之也誠如此則生民之道其庶幾乎其庶幾乎

安永壬辰春二月

尾張

石川安貞序

贄字敬輿吳郡蘇人溧陽令侃之子年十八登進士第
應博學宏辭科授鄭縣尉非其好也省母歸壽春刺史
張鎰有名於時一獲晤言大加賞識暨別鎰以泉貨數
萬爲贄曰願以此奉太夫人一日之膳公悉辭之領新
茶一串而已是歲以書判拔萃調渭南簿舊唐作主簿
新唐作尉
御史府以監察換之德宗皇帝春宮時知名召對翰林
卽日爲學士由祠部員外轉考功郎中朱泚之亂從幸
奉天時車駕播遷詔書匆午公灑翰卽成不復起草初
若不經思慮及成而奏無不曲盡事情中於機會倉卒
填委同職者無不拱手歎伏不能復有所助嘗從容奏
曰此時詔書陛下宜痛自引過以感人心昔禹湯以罪

已勃興楚昭以善言復國陛下誠能不恡改過以言謝
天下俾臣草辭無諱庶幾羣盜革心上從之故行在詔
書始下雖武人悍卒無不揮涕激發議者以德宗克平
寇亂不惟神武之功爪牙宣力益亦資文德腹心之助
焉及還京師李抱真來朝奏曰陛下在山南時山東士
卒聞詔書之辭無不感泣思奮臣節臣知賊不足平也
公自行在帶本職拜諫議大夫中書舍人精敏小心未
嘗有過艱難扈從行在輒隨啓沃謀猷特所親信有時
讌語不以公卿指名但呼陸九而已初幸梁洋棧道危
狹從官前後相失上夜次山館召公不至泫然號於禁
旅曰得陸贄者賞千金頃之公至太子親王皆賀初公

陸宣公集卷之四
既職內署母韋氏尚在吳中上遣中使迎至京師道路
置驛文士榮之丁韋夫人憂去職持喪於洛遣入護深
陽之柩附葬河南上遣中使監護其事四方賻遺數百
萬公一無所取素與蜀帥韋南康布衣友善韋令每月
置遺公奏而受之服闋復內職權知兵部侍郎覲見之
日天子爲之興改容敘弔優禮如此內外屬望旦夕俟
其輔政爲竇叅忌嫉故緩之真拜兵部侍郎知貢舉得
入之盛公議稱之貞元八年拜中書侍郎平章事公以
少年入侍內殿特蒙知遇不可與衆浮沉苟且自愛事
有不可必諍之上察物太精躬臨庶政失其大體動與
公違茲諛從而間之屢至不悅親友或規之公曰吾上

不負天子下不負吾所學不恤其他公精於吏事斟酌
剖決不爽錙銖其經綸制度具在德宗實錄及竇叅納
劉士寧之賂爲李異所發得罪左遷橫議者以公與叅
素不協歸罷相之議於公戶部侍郎判度支裴延齡以
姦回得幸害時蠹政物議莫敢指言公獨以身當之屢
言不可翰林學士吳通玄忌公先達每竊中傷陰結延
齡互言公短宰相趙憬公之引拔升爲同列以公排邪
守正心復異之羣邪沮謀直道不勝十年退公爲賓客
罷政事明年夏旱芻糧不給軍校訴於上延齡奏曰此
皆陸贄輩怨望鼓扇軍人也貶公忠州別駕上怒不可
測賴陽城張萬福救之獲免蜀帥韋令抗表請以贄代

已歲賂資糧公在南賓閉門却掃郡人稀識其面復避
誦不著書舊唐本傳曰家居瘴鄉人多瘴疫惟考校醫方撰集驗方五
十卷行於世江峽十稔永貞初與鄭餘慶陽城同徵還
公已薨歿時年五十二公之秉筆內署也推古揚今雄
文藻思敷之為文誥伸之為典謨俾獯狡向風懦夫增
氣則有制誥集一十卷覽公之作則知公之為文也潤
色之餘論思獻納軍國利害巨細必陳則有奏草七卷
覽公之奏則知公之為臣也其在相位也推賢與能舉
直措枉將幹璿衡而揭日月清氛沴而平泰階敷其道
也與伊說爭衡考其文也與典謨接軫則有中書奏議
七卷覽公之奏議則知公之事君也古人以士之遇也

其要有四焉才位時命也仲尼有才而無位其道不行
賈生有時而無命終於一慟惟公才不謂不長位不謂
不達逢時而不盡其道非命歟裴氏之子焉能使公不
遇哉說者又以房魏姚宋逢時遇主克致清平陸君亦
獲幸時君而不能與房魏爭列蓋道未至也應之曰道
雖在我弘之在人蜚蝗竟天農稷不能善稼奔車覆轍
丘軻亦廢規行若使四君與公易時而相則一否一臧
未可知也而致君不及貞觀開元者蓋時不幸也豈公
不幸哉以為其道未至不亦誣乎公之文集有詩文賦
集表狀為別集十五卷其關於時政昭昭然與金石不
朽者惟制誥奏議乎雖已流行多謬編次今以類相從

陸宣公全集釋義目錄
卷之二
寇於編首兼略書其官氏景行以為序引俾後之君子
覽公制作效之為文為臣事君之道不其偉歟

陸宣公全集釋義目錄

奏草

卷之一

論關中事宜狀

論兩河及淮西利害狀

卷之二

論敘遷幸之由狀

奉天論奏當今所切務狀

奉天論前所答奏未施行狀

卷之三

奉天論尊號加字狀

重論尊號狀

奉天

論赦書事條狀

奉天論擬與翰林學士改轉

狀

奉天請數對羣臣兼許命論事狀

原本十一

十二

十三

吳本命此令

陸宣公全集

目錄

一

卷之四

奉天請罷瓊林大盈二庫狀

奉天論解蕭復

狀 奉天薦袁高等狀

奉天論李晟所管

兵馬狀

奉天奏李建徽楊惠元兩節度兵馬

狀 駕幸梁州論進獻瓜果人擬官狀

又論進瓜果人擬官狀

卷之五

興元論解姜公輔狀

又答論姜公輔狀

興元論請優獎曲環所領將士狀

興元論解

蕭復狀

又答論蕭復狀

興元論續從賊

中赴行在官等狀

卷之六

興元論撫循李楚琳狀

興元論中官及朝官

賜名定難功臣狀

興元賀吐蕃尚結贊抽軍

迴歸狀

興元奏請許渾瑊李晟等諸軍兵馬

自取機便狀

興元論賜渾瑊詔書為取散失

內人等議狀

卷之七

鑾駕將還宮闕論發日狀

請釋趙貴先罪狀

論替換李楚琳狀

收復河中後請罷兵狀

奏議

卷之八

上論皇本此請

原本与上合

吳本奏上有中
昏二字

十七

請許臺省長官舉薦屬吏狀

論宣令除裴延

齡度支使狀

論齊映齊抗官狀

請遣使

臣宜撫諸道遭水州縣狀

論准西管內水損

處請同諸道遣宣慰使狀

論嶺南請於安南

置市舶中使狀

卷之九

請減京東水運收腳價於沿邊州鎮儲蓄軍糧事

宜狀

商量處置竇參事體狀

奏議竇參

等官狀

請不簿錄竇參莊宅狀

請還田

緒所寄撰碑文馬絹狀

卷之十

謝密旨因論所宜事狀

議汴州逐劉士寧事

狀

請不與李萬榮汴州節度使狀

請依

京兆所請折納事狀

論度支令京兆府折稅

市草事狀

卷之十一

論邊城貯備米粟等狀

論沿邊守備事宜狀

卷之十二

論左降官准赦合量移事狀

又奏量移官狀

又進量移官狀

論朝官闕員及刺史等改轉

倫序狀

卷之十三

吳本車狀同有三字而無下二條之目

原本二十二

均節賦稅恤百姓六條

其一論兩稅之弊須有釐革

其二請兩稅以布帛為額不計錢數

其三論長吏以增戶加稅闢田為課績

其四論稅期限迫促

其五請以稅茶錢置義倉以備水旱

其六論兼并之家私歛重於公稅

卷之十四

論裴延齡姦蠹書一首

制誥

卷之十五

原本一

奉天改元大赦制 平朱泚後車駕還京大赦

制

卷之十六

貞元改元大赦制 冬至大禮大赦制

卷之十七

貞元九年冬至大禮大赦制 蝗蟲避正殿降

免囚徒德音 誅李懷光後原宥河中將吏并

招諭淮西詔 誅李希烈後原宥淮西將吏并

授陳仙奇節度詔 重原宥淮西將士詔

卷之十八

賑卹諸道將吏百姓等詔 優卹畿內百姓并

吳本原字益

三

二

四

除十縣令詔 重優復興元府及洋鳳等州百
 姓詔 議減鹽價詔 賜京畿及同華等州
 百姓種子賑給貧人詔 賜將士名奉天定難
 功臣詔 改梁州為興元府升洋州為墾州詔
 卷之十九
 奉天遣使宣慰諸道詔 收復京師遣使宣慰
 將吏百姓詔 平淮西後宴賞諸軍將士放歸
 本道詔 授王武俊李抱真官封并招諭朱滔
 詔 招諭淮西將吏詔 招諭河中詔
 安撫淮西歸順將士百姓勅 甄獎陷賊守節
 官詔 令百寮議大禮期日詔 不許諸軍

侵擾勅 放淮西生口歸本貫勅 令諸道
 募靈武鎮守人詔
 卷之二十

冊淑妃王氏為皇后文 冊嘉誠公主文
 冊蜀王妃文 冊杞王妃文 告謝吳天上
 帝冊文 告謝玄宗廟文 告謝肅宗廟文
 告謝代宗廟文 祭大禹廟文 制策問賢
 良方正能直言極諫科 制策問博通墳典達
 於教化科 制策問識洞韜略堪任將帥科
 答宰相請停大禮表 答百寮請停大禮表
 答第二表 答第三表 答百寮賀利州連

理木表 答宰臣請復御膳表 答百寮請
復御膳表

卷之二十一

李晟司徒兼中書令制 蕭復劉從一姜公輔
平章事制 張延賞中書侍郎平章事制
渾瑊侍中制 盧翰劉從一門下中書侍郎平
章事制 劉滋崔造齊映平章事制 李納
檢校左僕射平章事制 韓滉檢校左僕射平
章事制 李勉太子師制 姜公輔左庶子
制 崔造右庶子制 盧翰太子賓客制

卷之二十二

賈耽東都留守制 崔縱東都留守制
普王荆襄江西等道兵馬都元帥制 馬燧渾
瑊副元帥招討河中制 李晟鳳翔隴西節度
兼涇原副元帥制 劉洽檢校司空充諸道兵
馬都統制

卷之二十三

渾瑊京畿金商節度使制 杜亞淮南節度使
制 虔王申光隨蔡等州節度使制 唐朝
臣振武節度使論惟明鄜坊觀察使制 韓滉
加檢校右僕射制 嘉王橫海軍節度使制
馬燧李臯賜實封制 韓滉度支鹽鐵轉運等

吳本使字每

十

使制 李叔明右僕射制 李澄贈司空制

除鄧州歸順官制 李納檢校司空制

卷之二十四

賜李納王武俊等鐵券文 賜安西管内黃姓

燾官鐵券文 慰問四鎮北庭將吏勅書

與回紇可汗書 賜吐蕃將書 賜吐蕃宰

相尚結贊書二

陸宣公全集釋義目錄終

陸宣公全集釋義卷之一

日本 尾張 石川安貞 著

奏草

論關中事宜狀 唐陸宣公傳時馬燧討河北久不決請濟師李希烈寇襄城詔

問策安出

右臣頃覽載籍每至理亂廢興之際 唐高宗諱治故唐人諱治為理也

必反覆參考究其端由與理同道罔不興與亂同趨罔

不廢 音太甲與治同道罔不興與亂同事罔不亡 此理之常也其或措置不

異安危則殊此時之變也至於君人有大柄立國有大

權得之必彊失之必弱是則歷代不易百王所同夫君

人之柄有明其德威立國之權在審其輕重德與威不

吳本有作在

陸宣公集

卷之一

可偏廢也輕與重不可倒持也蓄威以昭德偏廢則危

居重以馭輕倒持則悖恃威則德喪於身取敗之道也

失重則輕移諸已啓禍之門也陛下天錫勇智書仲虺

志期削平德宗即位欲削平以收諸鎮權不忿茲昏迷

書大禹謨許李惟岳留後討田悅誅梁崇義海內震疊詩

昏迷不恭整旅詩皇矣文奮伐詩殷武奮

頌文傳震莫敢寧居此誠英主撥亂拯物公羊傳哀十

諸正說文不得已而用之然威武四加非謂蓄美所可

兢兢保惜書皋陶謨兢兢業業慎守而不失者惟居重馭

輕之權耳陛下又果於成務易繫急於應機竭國以奉

軍傾中以資外倒持之勢今又似焉臣是以疚心如狂

不覺妄發輒踰顧問之旨深測憂危之端此臣之愚於

自量而忠於事主之分也古人所謂愚夫言之而明主

擇之淮南子說林愚者言而智者擇前漢惟陛下幸留

聽焉臣聞國家之立也本大而末小是以能固左傳桓

服曰國家之立也本大而末小是以能固又聞理天下者若身之使

臂臂之使指管子輕重如胸之使臂臂之使指賈子則

小大適稱而不悖焉身所以能使臂者身大於臂故也

臂所以能使指者臂大於指故也王畿者四方之本也

京邑者又王畿之本也其勢當令京邑如身王畿如臂

四方如指故用則不悖處則不危斯乃居重馭輕天子

之大權也非獨為御諸夏而已抑又有鎮撫戎狄之術

焉一本是以前代之制轉天下租稅委之京師隋食貨

志開皇

三年衛州置黎陽倉陝州置常平倉華州置廣德倉徙郡縣

通倉轉相灌注漕關東及汾晉之粟以給京師

豪傑處之陵邑漢主父偃傳茂陵初立天下豪傑兼并

城此事未見所出其賦役則輕近而重遠也周禮載師國宅無

也論語子路近者來遠者去太宗文皇帝既定大業萬方底又猶務

戎備不忘慮危列置府兵分隸禁衛大凡諸府八百餘

所而在關中者殆五百焉舉天下不敵關中則居重馭

輕之意明矣唐兵志凡天下十道置府六百三十四皆

凡府三等兵千二百人為上十人為中八百人為下府

置折衝都尉一人左右果毅都尉各一人長史兵曹別

將各一人校尉六人為士以三百人為團團有校尉五十

人為隊隊有正十人為火火有長凡民年二十為兵六

倒

十而免文獻通考章氏曰會要云折衝府二百八十通

在關中者五百杜牧原十六衛上畜養戎臣承平漸久

武備寢微雖府衛具存而卒乘罕習故祿山竊例持之

柄乘外重之資一舉滔天書堯典象兩京不守兩京長

也尚賴經制頗存典刑詩蕩雖無老成疆本之意則忘

沿邊之備猶在加以諸牧有馬每州有糧故肅宗得以

為資中復興運乾元之後肅宗號大憝初夷謂安祿山安

史思明書康誥元惡大憝繼有外虞悉師東討寶應元

朝義十一月諸軍圍史朝義類史邊備既弛禁戍亦空

吐蕃乘虛深入為寇故先皇帝莫與為禦避之東遊通鑑

代宗紀廣德元年冬十月吐蕃寇涇州刺史高暉以城

降之遂為之鄉導乙亥吐蕃寇涇州刺史高暉以城

外寇之寇吳
本作侵

戰便橋倉狎不知所為丙子幸陝州是皆失居重馭

輕之權忘深根固祗之慮內寇則峭函失險

明之徒也外寇則汧渭為戎

社于斯之時朝市離析

須臾萬端雖有四方之師寧救一朝之患陛下追想及

此豈不為之寒心哉

先皇仁聖攘却醜類再安宸居

邑具全官廟無實此又非常之幸振古所未聞焉

將弘永圖

足以見天意之於皇家保祐深矣故示大儆

陛下誠宜上副玄心

下察時變

遠考前代成敗近鑒國

朝盛衰垂無疆之休

建不拔之業

算愚臣未達敢獻所憂先皇帝還自陝郭懲艾往事稍

益禁衛漸修邊防是時關中有朔方涇原隴右三帥以

扞西戎河東有太原全軍以控北虜此四軍者皆聲勢

雄盛士馬精強又徵諸道戍兵每歲乘秋備塞尚不能

保固封守過其奔衝京師戒嚴

下嗣膺寶位

威懾殊鄰蠢茲昆夷

猶肆毒螫舉國來寇志

李晟擊於大度河外破之吐蕃南遂求通好少息交侵

詔饒寒隕於崖谷或者八九萬人遂求通好少息交侵

蓋緣馬喪兵疲務以計謀相緩固非畏威懷德必欲守

信結和唐吐蕃傳德宗即位欲以德綏懷之遣太常少

息兵稍久育馬漸蕃必假小事忿爭因復大肆侵掠張

光晟又於振武誘殺羣胡通鑑德宗紀代宗之世九姓

縱暴為患德宗即位命回紇使者董突等帥其徒歸國

縱推牧者暴踐果核振武人苦之留後張光晟使副將

過其館門故不為禮董突怒執自爾以來絕無虜使其

為嫌怨足可明徵借如吐蕃實和回紇無憾戎狄貪詐

乃其常情苟有便利可窺豈肯端然自守今朔方太原

之衆遠在山東神策六軍之兵繼出關外通鑑註左右

武左右神策為六軍時李晟哥舒儻有賊臣嗆寇黠虜

窺邊伺隙乘虛微犯亭障亭障塞上亭留戍兵以守險

戎人逐此愚臣所竊為憂者也未審陛下其何禦之側聞

伐叛之初議者多易其事僉謂有征無戰漢嚴助傳天

而無戰言役不逾時穀梁傳隱五年伐計兵未甚多度

費未甚廣於事為無擾於人為不勞曾不料兵連禍拏

變故難測日引月長漸乖始圖故前志以兵為凶器戰

為危事文韜聖王號兵為凶器不得已而用之管子問

至戒至慎不敢輕用之者蓋為此也當勝而反敗當安

而倒危變亡而為存化小而成大在覆掌之間耳何可

不畏而重之乎近事甚明足以為鑒往歲為天下所患

陸宣公集 卷之一 五

咸謂除之則可致昇平者李正己李寶臣梁崇義田悅

是也通鑑是時李正己有淄青齊海登萊沂密德棣又

洛貝澶七州李寶臣據恒易趙定深冀滄七州梁崇義

兵祖賦刑殺皆自專往歲為國家所信咸謂任之則可

除禍亂者朱滔李希烈是也唐藩鎮傳朱泚領節度遣

塞為諸軍倡始安史後山東雖外臣順實傲肆不帝

嘉之召見滔殿中帝問曰卿材孰與此多滔曰統御士

象方畧明辨臣不如泚臣年二十八獲謁天子泚長臣

希烈傳德宗立加御史大夫即拜節度使名曰淮寧以

寵之通鑑希烈請討梁崇義上對朝士亟稱其忠黜陟

使李承自淮西還言於上曰希烈必立微功但以然既而

正己死李納繼之通鑑建中二年七月李正己死惟

岳繼之綱目云建中二年正月李崇義率希烈叛通鑑

二年八月李希烈大破梁崇義將翟暉杜少誠二將請

降希烈使其眾先入襄陽慰諭軍民崇義閉城拒守

守者開門爭出崇義與妻赴井成唐逆臣傳希烈平崇

義欲有其地會山南節度使李承至不克大掠而去綱

目建中三年李希烈惟岳戮朱滔携通鑑建中三年正

武俊殺惟岳傳首京師四月然則往歲之所患者四去

其三矣而思竟不衰往歲之所信者今則自叛矣而又

難保是知立國之安危在勢任事之濟否在入勢苟安

則異類同心也勢苟危則舟中敵國也史記吳起傳武

顧曰美乎山河之固此魏國之寶也起曰在德陛下豈

可不追鑒往事惟新令圖循偏廢之柄以靖人復倒持

之權以固國而乃孜孜汲汲極思勞神也孜孜勉力不怠

孜孜汲汲不休息貌文子上狗無已之求望難必之效

吳本魚作石
為是

其於為人除害之意則已至矣其為宗社自重之計恐未至焉自頃將帥徂征久未盡敵苟以藉口則請濟師

左傳桓十一年蓋請濟師於王杜註濟益也陛下乃為之輟邊軍缺環衛虛

內廐之馬竭武庫之兵占將家之子以益師賦私養之

畜以增騎猶且未戰則曰乏財陛下又為之筭室廬

建中四年四月判度支趙贊奏行稅間架稅間架者每屋兩架為間上屋稅錢二十中稅十下稅五百貸

商賈建中三年四月太常博士韋都賔陳京建傾司府

之幣設請權之科關輔之間徵發已甚官苑之內構衛

不全萬一將帥之中又如朱滔希烈或負固邊壘誘致

豺狼或竊發郊畿驚犯城闕此亦愚臣所竊為憂者也

未審陛下復何以備之以陛下聖德君臨率土欣戴詩北

山率土之濱莫非王臣傳率循也非常之慮豈所宜言然居安備危左

襄十一年書曰居安思危杜註逸書哲王是務以言為諱中主不行若備

之已嚴則言亦何害儻忽而未備又安可勿言臣是以

罄陳狂愚無所諱避罔敢以中主不行之事有虞於聖

朝也惟陛下熟察之過防之且今之關中即古者邦畿

千里之地也詩玄鳥邦畿千里維民王業根本於是在

焉秦嘗用之以傾諸侯秦襄公以兵送周平王於洛邑

為秦有至始皇滅趙漢漢嘗因之以定四海漢高祖據

項蓋由憑山河之形勝漢高祖紀秦也宅田里之上腴班

西都賦九州之腴肥弱則內保一方當天下之半可以養力

俟時也疆則外制東夏據域中之大可以蓄威昭德也

豪勇之在關中者與籍於營衛不殊車乘之在關中者與列於廐牧不殊財用之在關中者與貯於帑藏不殊

後漢馮衍傳帑藏殷積註說文帑金布所藏之府有急而須一朝可聚陸本作取執

事者先拔其本棄重取輕所謂倒持太阿授人以柄漢梅

福傳倒持泰議制置則彊幹弱枝之術反班固西都賦興乎州郡之

豪傑五都之貨殖充奉陵邑蓋以強幹弱枝隆上都而觀萬物語綏懷則悅近來遠之

道垂求諸通方無適而可顧臣庸懦竊為陛下惜之往

者不可追來者猶可補論語往者不可諫來者猶可追臣不勝懇懇憂

國之至輒敢效其狂鄙以備采擇之一端陛下儻俯照

微誠過聽愚計使李芄援東洛懷光救襄城希烈兇徒

勢必退衄則所遣神策六軍士馬及點召節將子弟東

行應援者悉可追還河北既有馬燧抱真固亦無藉李

晟亦令旋旆完復禁軍明勅涇隴邠寧但令嚴備封守

仍云更不徵發使知各保安居又降德音勞徠畿甸具

言京輦之下百役殷繁且又萬方會同諸道朝奏郵勤

懷遠理合優容其京城及畿縣唐六典在城內曰畿縣所稅

間架權酒漢武帝紀元漢三年初權酒酤師古註權者

有葦渡水之權德宗即位通鑑建中四年趙贊行抽貫罷權酤建中三年復權酤除陌錢公私給與及賣

買每緡留五十錢是抽貫也貸商點召等請如此類一切停罷則冀

已輸者弭怨見處者獲寧人心不搖邦本自固禍亂無

從而作朝廷由是益尊然後可以度時宜施教令弛張

自我何有不從端本整勢無易於此謹奏

吳本有作止

論兩河及淮西利害狀兩河東河北朱洎田悅王武俊李納據兩河

而反李希烈據淮西而反

內侍朱冀寧奉宣進旨緣兩河寇賊未平殄唐德宗紀建中三年

六月李懷光馬燧李芄李抱真及朱洎王武俊田悅戰敗績又淮西兇黨攻逼襄城

建中四年八月卿識古知今合有良策宜具陳利害封

進者臣質性凡鈍聞見陋狹幸因乏使簪組升朝荐承

過恩文學入侍舊唐本傳德宗在東宮時素知聲名召為翰林學士每自奮勵思

酬獎遇感激所至亦能忘身但以越職干議慎子知忠職不得過

越職漢梅福傳典制所禁未信而言聖人不尚論語子張

而後諫未信是以循循默默尸居榮近日日以愧禮表

君近而不陳則是尸利也漢書註言不憂其職但知食祿而已莊子所謂尸居與之異義自春徂秋

又于作于

又勿作為

心雖懷憂言不敢發此臣之罪也亦臣之分也陛下天

縱聖德論語子罕縱之將神授英謀明照八表思周萬

務猶慮闕漏下詢芻蕘詩板先民有言詢于芻蕘此堯舜舍

己從入書大禹謨文好問而好察邇言記中之意也臣每讀

前史見開說納忠之士乃有泣血漢史丹傳元帝寢疾

左右而皇太子希得進見漢昭儀定陶王常在

丹候上間獨寢時直入卧内涕泣言曰皇太子以適長

立積十四年名號繫於百姓流言天下莫不歸心臣子見定

陶王雅素愛幸今者道流言以為太子有動搖之議

若此臣願先賜歿以示羣臣上意大感曰善輔導太子

出於目猶血出於體韓非碎首漢杜鄴傳禽息憂國碎

大夫薦下和泣血異本義碎首恨應劭曰禽息秦

播出曰臣生無補於國而不如死公感寤而用百里

陸宣公集

卷之一

九

甚盛毗與朝臣俱求見帝知其欲謀作色以見之皆莫敢言毗曰陛下不以臣不肖置之左右廁之謀議之官安得不與臣議臣所言非私乃社稷之慮也帝不答起入內毗隨而引其裾帝遂奮衣不還良久出曰卿持我何太急邪毗曰今徒失民斷鞅者左傳襄十八年晉侯心又無以食帝徙其半斷鞅者伐齊齊侯畏其喪將走邾棠太子與郭榮扣馬曰社稷之主不可斷鞅乃止皆以進議以輕君必待之將犯之太子抽劍斷鞅乃止皆以進議見拒懇誠激忠遂至發憤踰禮而不能自止故也況今勢有危迫事有機宜當聖主開懷訪納之時無昔人逆鱗韓非子說難龍之為蟲也可擾狎而騎也然其喉下之逆鱗則幾矣人主顛沛之患儻又上探微旨慮匪悅聞傍懼貴臣將為沮議首尾憂畏左傳文十七年古人有言曰畏首畏尾身其餘幾前後顧瞻是乃偷合苟容之徒非有扶危救亂之意此愚臣之所痛心切齒於既往是以不忍復躬行於當

世也心蘊忠憤固願披陳職居禁闈當備顧問承問而對臣之職也寫誠無隱臣之忠也謹具件如後惟明主循省而備慮之豈有微臣獨荷容納之恩實億兆之幸社稷之福也臣本書生不習戎事竊惟霍去病漢將之良者也每言行軍用師之道顧方略何如耳不在學古兵法漢霍去病傳上嘗欲教之吳孫兵法法對曰顧方略何如耳不至學古兵法是知兵法者無他見其情而通其變則得失可辨成敗可知古人所以坐籌樽俎之間晏子春秋仲尼曰不出於制勝千里之外者漢張良傳運籌策帷幄中得此道也臣才不逮古人而頗窺其意是敢承認詔不默輒陳狂愚伏以剋敵之要在乎將得其人馭將之方在乎操得其柄將非其

名皇
吳不蒼黃作

人者兵雖衆不足恃操失其柄者將雖材不為用兵不足恃與無兵同將不為用與無將同將不能使兵國不能馭將非止費財翫寇之弊亦有不戢自焚之災左傳西為叛亂之帥者獨四五凶人而已尚恐其中或有傍遭註誤漢文帝紀註內蓄危疑蒼黃失圖蒼黃急遽貌勢不得止亦未必皆是處心積慮果為姦逆以僭帝稱王者也況其餘衆蓋並脅從書胤征脅從罔治苟知全生豈願為惡若招携以法悔禍以誠使來者必安安者必久斯道積著人誰不懷縱有野心難馴左傳宣四年臣知其從化者必過半矣舞干苗格書大禹謨舞干苗格傳干苗格羽翳也皆舞者

臣宣公集

卷之一

十一

所豈獨虛言假使四五兇渠俱稟梟鷃之性其下同惡復有十百相從是皆率伍庸流闕茸下品漢賈誼傳闕茸不肖之人也其志好不過聲色財貨之樂其材用不過蹴鞠距踴之能劉向別錄曰蹴鞠者傳言黃帝所作或起戰國之時或曰兵勢也所以講武知其約從締交則迭相侮詐以為智謀其御衆使人則例質妻孥以為術數斯乃盜竊偷安之伍非有奸雄特異之資以陛下英神志期平壹君臣之勢不類逆順之理不侔形勢之大小不倫師徒之衆寡不敵然尚曠歲持父師老費財加算不止於舟車漢武帝紀元光六年初算商車李奇曰始稅高賈徵卒殆窮於閩濮笮肉捶骨呻吟里閭送父別夫號呼道路杼軸已甚詩大東杼軸其興發已殫

陸道入集

卷之一

十一

而將帥者尚曰財不足兵不多此微臣所以千慮百思而不悟其理也未審陛下嘗徵其說察其由乎股肱之臣日月獻納復為陛下察其事乎臣愚無知實所深感遂乃過為臆度輒肆討論以為尅敵之要在乎將得其人馭將之方在乎操得其柄將非其人者兵雖眾不足恃操失其柄者將雖材不為用今以陛下效其明聖羣帥畏威雖萬無此虞然亦不可不試省察也陛下若謂臣此說蓋虛體爾不足徵焉臣請復為陛下效其明徵以實前說田悅唱亂之始氣盛方全唐德宗紀建中元年四月田悅反恒趙王武俊青齊李納迭為唇齒左傳僖五年唇亡齒寒陛下特詔馬燧委之專征抱真李芄聲勢相援于時士吏畏法將帥

吳本以實例

感恩俱蘊勝殘盡敵之誠未有爭功邀利之釁故能累摧堅陣深抵窮巢元惡幸脫於俘囚兇徒幾盡於鋒刃

舊唐書馬燧傳田悅代承嗣統兵恐人不附己詐効誠欵燧上疏明其必反空先備之其年悅果與淄青恒冀通謀自將兵圍邢次臨洺詔燧李抱真李晟救臨洺悅大敗夜遁邢圍亦解田悅求救於淄青恒冀合散卒壁于洹水淄青恒冀首尾相應詔河陽節度李芄將兵會之軍次于漳悅遣將以兵守長橋燧於下流以車數百乘維以鐵鎖絕中流實以土囊燧以遏水諸軍畢渡是時軍糧少悅深壁不戰欲老燧軍燧令諸軍持十日糧進與悅夾洹水而軍抱真李芄曰糧少而深入何也燧曰田悅與淄青恒冀首尾計欲不戰以老我師若分軍擊其左右兵少未可必破悅且來救是前後受敵也燧為諸軍合而破之乃造橋逾洹挑戰悅不敢出恒兵懼為燧所并合於悅謂燧明日復挑戰乃伏兵萬人欲邀燧燧令諸軍潛軍傍洹趨魏州令曰聞賊至則止為陣又令百騎吹鼓角皆留於後仍抱薪持火待軍畢發止鼓角匿其旁伺悅軍畢渡焚其橋軍行十數里悅乃率淄青恒州步騎四萬餘人踰橋掩其後乘風縱火鼓譟而進燧坐申令無動命前除草斬榛棘以為陣募

勇力為前列以俟賊至此悅軍至則火止氣乏乃縱兵擊之悅軍大敗迫洹水悅軍走橋橋已焚矣赴水溺死者不可勝紀 臣故曰剋敵之要在乎將得其人馭

將之方在乎操得其柄此其明效也田悅既敗力屈勢窮且皆離心莫有固志乘我師勝捷之氣躡亡虜傷夷之餘比於前功難易百倍既而大軍遂駐遺孽復安其後魏運日增師徒日益于茲再稔竟不交鋒量兵力則前者寡而今者多議軍資則前者薄而今者厚論氣勢則前者新集而今者乘勝度攻具則前者草創而今者繕完計兇黨則前者盛而今者殘揣敵情則前者銳而今者挫然而勢因時變事與理乖當易而反難當進而中止本末殊趣前後易方順理之常必不如此臣故曰

左傳襄二
十八年兵
民之殘也
財用之蠹

將非其人者兵雖衆不足恃操失其柄者將雖材不為用此自昔必然之效但未審今茲事實得無近於此乎在陛下熟察而亟救之耳固不在益兵以生事加賦以殄人無紓目前之虞或興意外之患人者邦之本也財者人之心也兵者財之蠹也其心傷則其本傷其本傷則枝幹顛瘁而根柢廢拔矣惟陛下重慎之愍惜之今師興三年可謂久矣稅及百物可謂繁矣陛下為之宵衣旰食可謂憂勤矣海內為之行齋居送可謂勞敝矣而寇亂有益翦滅無期人搖不寧事變難測是以兵貴拙速不尚巧遲孫子作戰兵聞拙速則乘機遲則生變此兵法深切之誠往事明著之驗也夫投膠以變濁不

揚湯至速也本于漢枚乘傳文

如澄其源而濁變之愈也揚湯以止沸不如絕其薪而沸止之速也是以勞心於服遠者莫若修近而其遠自來多方以救失者莫若改行而其失自去若不靖於本而務救於末則救之所為乃禍之所起也修近之道改行之方易於舉毛詩黍民德輶如但在陛下然之與否耳儻或重難易制姑務持危則當較禍患之重輕辨攻守之緩急臣謂幽燕朱恒魏田之寇勢緩而禍輕汝洛榮汴之虞李希烈勢急而禍重緩者宜圖之以計今失於屯戍太多急者宜備之以嚴今失於守禦不足何以言其然也自胡羯稱亂首起薊門中興已來未暇艾蕩因其降將即而撫之朝廷置河朔於度外殆三十年矣非

榮

陸道公集

卷之一

十四

榮

一朝一夕之所急也田悅累經覆敗氣沮勢羸偷全餘生無復遠略武俊蕃種有勇無謀唐藩鎮傳王武俊本出契丹怒皆部朱滔卒材多疑少決皆受田悅誘陷遂為猖狂出師事起無名漢高帝紀三老董公曰兵出無名事故不成衆情不附進退遑惑內外防虞所以纔至魏郊遽又退歸巢穴意在自保勢無他圖加以洪河太行禦其衝并汾洛路壓其腹雖欲放肆亦何能為又此郡兇徒互相劫制急則合力退則背憎是皆苟且之徒必無越軼之患此臣所謂幽燕恒魏之寇勢緩而禍輕希烈忍於傷殘果於吞噬據蔡許富全之地益鄧襄鹵獲之資意殊無厭兵且未衄東寇則轉輸將阻北窺則都城或驚此臣所謂汝洛榮汴之虞勢

陸道公集

卷之一

十四

急而禍重代朔邠靈之騎士自昔之精騎也上黨盟津
 之步卒當今之練卒也悉此彊勁委之山東勢分於將
 多財屈於兵廣以攻則曠歲不進以守則數倍有餘各
 懷顧瞻適欲推倚此臣所謂緩者宜圖之以計今失於
 屯戍太多李勉以文吏之材當浚邠奔突之會舊唐書李勉傳
 勉切勤經史長而沉雅清峻宗於虛玄建哥舒曜以烏
 中元年充河南汴宋滑亳河陽等道都統哥舒曜
 合之衆後漢耿弇傳捍襄野豺狼之羣唐哥舒曜傳
 營節度使討希烈曜曜東都汝州行
 屯襄城詔勉相倚角曜陛下雖連發禁軍以為繼援累勅
 諸鎮務使協同睿旨殷憂人思自效但恐本非素習令
 不適從奔鯨觸羅倉卒難制首鼠應敵漢灌夫傳首鼠
 首鼠一前因循莫前此臣所謂急者宜備之以嚴今失
 一却也

於守禦不足陛下若察其緩急審其重輕使懷光帥師
 救襄城之圍李芑還鎮為東都之援汝洛既固梁宋亦
 安是乃取有餘救不足罷關右賦車籍馬之擾減山東
 飛芻輓粟之勞無擾則禍亂不生息勞則物力可濟非
 止排難於變切吳本亦將防患於未然徵發既停守備
 且固足得徐觀事勢更選良圖此於紆亂解紛抑亦計
 之次也議者若曰河朔羣盜尚未殲夷儻又減兵必更
 生患此蓋好異不思之說耳臣請有以詰之前歲伐叛
 之初唯馬燧抱真李芑三帥而已以攻必克以戰必彊
 是則力非不足明矣洎遲雷不進乃請益師於是選神
 策銳卒以繼之而李晟往矣舊唐書李晟傳建中二年
魏傳田悅反將兵圍臨洛

邢詔以晟為神策先鋒都知兵馬使與馬燧李抱真合
兵救臨洛安貞按據公集李晟往當在燧真抱真破悅
前後舊新唐書所載似無猶曰未足復請益師於是徵朔
前後當以公集為正

方全軍以赴之而懷光往矣幾遣加半之戍竟無分寸

之功舊唐書李懷光傳建中二年詔遣懷光統朔方兵
步騎一萬五千同討田悅與滔等大戰于恆山為

滔等所敗復為悅決利是則師不在眾又明矣然而可託

以為解者必曰王師雖益賊黨亦增曩獨田悅寶臣今

兼朱滔武俊臣請再詰以塞其辭曩之田悅寶臣皆蓄

銳養謀劇賊之方彊者也尋而田悅喪敗寶臣殲夷雖

復朱滔武俊加於前亦有孝忠日知乘其後是則賊勢

不滋於曩日王師有益於昔時又明矣曩於大原澤潞

河陽三將之眾當田悅朱滔武俊三寇之兵今朱滔遁

張孝忠易
定滄州節
度使康白
知深趙團
練使

歸武俊退縮唯此田悅假息危城後漢來歙傳假息設使我

師悉歸彼亦纔能自守況雷抱真馬燧足得觀釁討除

是則減兵東征勢必無患又明矣雷之則彼為冗食徒

之則此得長城化危為安息實從省舉一而兼數利惟

陛下圖之謹奏

陸宣公集釋義卷之一終

陸宣公集釋義卷之二

Blank page with vertical lines for text.

陸宣公集釋義卷之二

日本

尾張

石川安貞

著

奏草

論敘遷幸之由狀

臣前日蒙恩召見陛下敘說涇原叛卒驚犯宮闕及初
行幸之事因自剋責辭旨過深臣奏云陛下引咎在躬
誠堯舜至德之意臣竊有所見以為致今日之患者羣
臣之罪也陛下又曰卿以君臣之禮不忍歸過於朕故
有此言然自古國家興衰皆有天命今遇此厄運雖則
是朕失德亦應事不由人未及對詔之間陛下遂言及

宗祧

周禮春官註遷主所藏曰祧

涕泗交集主憂臣憤

越語范蠡曰君憂臣勞

陸宣公集

卷之二

辱臣人理之常情激於衷不覺嗚咽旋屬游環請對臣
言未獲畢辭今輒上煩以盡愚懇臣所謂致今日之患
是羣臣之罪者非敢徒飾浮說苟寬聖懷事皆有由言
庶可復自胡羯稱亂遺患未除朝廷因循久務容養事
多僭越禮闕會朝陛下神武易繫辭神武而不殺者夫統天易象傳
領於將壹區宇乃命將帥四征不庭書周官文傳四面
者兇渠稽誅逆將繼亂兵連禍結行及三年興師四方
無遠不暨父子訣別夫妻分離一人征行十室資奉居
者有餽送之苦行者有鋒刃之憂去留騷然而閭里不
寧矣聚兵日衆供費日多常賦不充乃令促限促限纔
畢復命加徵加徵既殫又使別配別配不足於是權算

薄懲心薄

之科設率貸之法興事見于禁防滋章條目繼碎吏不
堪命人無聊生農桑廢於徵求膏血竭於筭筭市井愁
苦室家怨咨北庶嗷然而郡邑不寧矣邊郵之戍用保
封疆禁衛之師以備巡警二者或闕則生戎心晉語國
之大防莫重於此陛下急於靖難累遣東征邊備空虛
親軍寡弱尋又搜閱私牧以取馬薄責將家以出兵凡
有私牧者例元勳貴戚之門所謂將家者皆統帥岳牧
之後是乃嘗蒙親委或者忠勞復除征徭固有常典今
忽奪其畜牧事其子孫有乞假以給資裝有破產以營
卒乘道路悽惻部曲感傷貴位崇勳孰不解體左氏傳
季文子曰四方諸侯誰也加以聚斂之法轂下尤嚴邸第

侯王咸輸屋稅禪販夫婦文選西京賦文註禪買賤賣貴以自禪益畢其緡

錢貴而不見優近而不見異其為憤感又甚諸方誅求

轉繁左傳哀三十一年誅求無時註誅責也庶類恐懼興發無已羣情動

搖朝野囂然而京邑關畿不寧矣陛下又以百度弛廢

書放焚百度惟貞疏百事之節志期肅清持義以掩恩任法以成理神

斷失於太速睿察傷於太精斷速則寡恕於人而疑似

之間不容辯也察精則多猜於物而臆度之際未必然

也寡恕則重臣懼禍反側之釁易生後漢光武紀誅王郎收文書得吏人

與郎交關謗毀者數千章光武不省會諸將多猜則羣

下防嫌苟且之風漸扇是以叛亂繼起怨讟並與非常

之虞億兆同慮惟陛下穆然凝遠獨不得聞至使兇卒

鼓行白晝犯闕漢賈誼傳白晝大重門無結草之禦

左傳宣十五年魏顆從父治命嫁妾輔氏之役顆見老

人結草以九杜回杜回躡而顛獲之回秦之力人也夜

夢之曰余婦人之父也爾環衛無誰何之人漢陳勝傳

誰何註問自古禍變之興未有若斯之易舊唐書姚合

年李希烈叛寇陷汝州詔哥舒曜率師攻之營于襄城

希烈兵數萬圍襄城勢甚危急十月詔令言率本鎮兵

五萬及師上路一無所賜時詔京兆尹王翊搗軍士唯厚

食菜啖而已軍士覆而不顧皆憤怒揚言曰吾輩棄父

母妻子將死於難而食不得飽安能以革命捍白刃耶

國家瓊林大盈寶貨堆積不取此以自活何往耶行次

出緡絲二十車馳賜之軍聲浩浩令言急奏之上恐令上庫

人根狼走竄亂兵呼曰勿走不稅汝間架矣德宗令普

陸宣公集

卷之二

三

廢居快快又幸此寬和乃請令言率騎迎入居舍元殿既僭號豈不以乘我間隙因人

攜離哉陛下有股肱之臣有耳目之任有諫諍之列有

備衛之司見危不能竭其誠臨難不能効其死所謂致

今日之患是羣臣之罪者豈徒言歟聖旨又以家國興

衰皆有天命今遇此厄運應不由人者通鑑德宗紀建中元年六月術

士桑道茂上言陛下不出數年暫有離官之厄臣望奉天有天子氣左高大其城以備非常命京兆發丁夫數

千雜六軍之臣志性介劣學識庸淺凡是占算祕術都

不涉其源流至於興衰大端則嘗聞諸典籍書曰天視

自我人視天聽自我人聽誓文泰又曰德惟一動罔不吉

德二三動罔不凶惟吉凶不僭在人惟天降災祥在德

伊訓又曰天難忱命靡常常厥德保厥位厥德靡常九

有以亾咸有此則天所視聽皆因於人天降災祥皆

考其德非於人事之外別有天命也故祖伊責紂之辭

曰我生不有命在天西伯戡武王數紂之罪曰吾有命

罔懲其侮泰誓此又捨人事而推天命必不可之理也

易曰自天祐之吉無不利大有仲尼以為祐者助也天

之所助者順也人之所助者信也履信思乎順又以尚

賢是以自天祐之吉無不利繫辭又曰危者安其位者

也亾者保其存者也亂者有其理者也故君子安而不

忘危存不忘亾理而不忘亂是以身安而國家可保繫辭

又曰視履考祥履上又曰吉凶者得失之象繫辭夫

易之為書窮變知化其於性命可謂研精及乎論天人

天下心脫哉若
子中

祐助之由辨安危理亂之故必本於履行得失而吉凶之報象焉此乃天命由人其義明矣春秋傳曰禍福無門唯人所召左傳襄廿三年閔子馬語又曰人受天地之中以生所謂命也是以有動作威儀禮義之則以定命能者養之以福不能者敗以取禍成十三年劉子語禮記引詩而釋之曰大雅云殷之未喪師克配上帝儀監于殷駿命不易言得衆則得國失衆則失國也大學文又引書而釋之曰康誥云惟命不于常言善則得之不善則失之同上此則聖哲之意六經會通皆為禍福由人不言盛衰有命蓋人事著於下而天命降於上是以事有得失而命有吉凶天人之間影響相準詩書已後史傳相承理亂廢興大

略可記人事理而天命降亂者未之有也人事亂而天命降康者亦未之有也六經之教既如彼歷代明驗又如此尚恐其中有可疑者臣請復以近事證之自頃征討頻頻刑網稍密物力竭耗人心驚疑如居風濤洶洶靡定上自朝列下達烝黎日夕族黨聚謀咸憂必有變故旋屬涇原叛卒果如衆庶所虞京師之人動逾億計固非悉知算術皆曉占書則明致寇之由未必盡關天命伏惟陛下鑒既往之深失建將來之令圖拯宗社危漢食貨志安有為天下陷危者若是於審察時變博詢人謀王化聿修天祐自至恐不安推引厄運謂為當然撓追咎之誠沮惟新之望詩文王其命惟新

臣聞理或生亂亂或資理有以無難而失守有因多難而興邦左傳昭四年或多難以固其國或無難以喪其國理或生亂者恃理而不修也亂或資理者遭亂而能懼也無難失守者忽萬機之重而忘憂畏也多難興邦者涉庶事之艱而知勅慎也今生亂失守之事則既往不可復追矣其資理興邦之業在陛下勉勵而謹修之當至危至難之機得其道則興失其道則廢其間不容復有所悔也惟陛下勤思焉熟計焉捨己以從衆焉違欲以遵道焉遠儉佞而親忠直焉推至誠而去逆詐焉逆詐論語憲問文杜讒沮之路廣諫諍之門焉掃求利之法務息入之術焉錄片善片能以盡羣材焉忘小瑕小怨俾無棄物焉斯道甚易知

陸宣公集

卷之二

六

甚易行不勞神不苦力但在約之於心耳又陛下天資睿哲有必致之具安得捨而不為哉斯道夕誓之於心則可以感神明動天地詩序動天地感鬼神莫近於詩朝施之於事則可以服庶類懷萬方何憂乎亂人何畏乎厄運何患乎天下不寧昔太王以避狄而興見于孟子子梁惠王篇周文以百里而王見于孫子篇是乃因危難而恢盛業由僻小而闡丕圖况陛下稟英資承寶曆四海之利權由己列聖之德澤在人苟能增修左傳襄十三年增修德而改卜蔑有不濟至如東北羣孽兩河淮西也荏苒逋誅文選張華詩荏苒漸進也涇原亂兵倉卒犯禁蓋上天保佑陛下恐陛下神武果斷有輕天下之心使知艱難將永福祚耳伏願悔前禍以答天戒新

陸宣公集

卷之二

六

聖化以承天休勿謂時鍾厄運而自疑勿謂事不由人而自解勤勵不息足致昇平豈止盪滌妖氛旋復宮闕而已愚臣不勝區區憂國奉君之至誠有所切辭不覺煩伏惟陛下不以人廢言論語衛靈公文不以言廢道千慮一得漢韓信傳愚者千慮有一得或有取焉謹奏

在奉天

奉天論奏當今所切務狀

自建中四年十月至興元元年二月德宗

隱朝昨日奉宣聖旨逆賊雖退猶未收成令臣審思當今所務何者最切具條錄奏來者伏以初經大變海內震驚無論順逆賢愚必皆企竦觀聽陛下一言失則四方解體一事當則萬姓屬心動關安危不可不慎臣謂

當今急務在於審察羣情若羣情之所甚欲者陛下先行之羣情之所甚惡者陛下先去之欲惡與天下同而天下不歸者自古及今未之有也夫理亂之本繫於人心况乎當變故動搖之時在危疑向背之際人之所歸則植人之所去則傾陛下安可不審察羣情同其欲惡使億兆歸趣以靖邦家乎此誠當今之所急也然尚恐為之不易者蓋以朝廷播越王命未行施之空言史記太史公自序子曰我欲載之空言不如見之於行事之深切著明也註春秋緯文人或不信何以言其然今天下之所欲者在息兵在安業天下之所惡者在歛重在法苛陛下欲息兵則寇孽猶存兵固不可息矣欲安業則征徭未罷業固未可安矣欲薄歛則郡

縣懼乏軍用令必不從矣欲去苛則行在素霽威嚴言
且無驗矣此皆勢有所未制意有所未從雖施於德音
足慰來蘇之望書仲虺之語后来其可蘇息而稽諸事實未符
悔禍之誠且動人以言者其感不深動人以行者其應
必速蓋以言因事而易發行違欲而難成易發故有所
未孚難成故無思不服今陛下將欲平禍亂拯阡危恤
黎烝安反側既未有息入之實又乏於施惠之資唯當
違欲以行己所難布誠以除人所病乃可以彰追咎之
意副惟新之言若猶不然未見其可頃者竊聞輿議頗
究羣情四方則患於中外意垂百辟又患於君臣道隔
郡國之志不達於朝廷朝廷之誠不升於軒陛上澤闕

於下布下情壅於上聞實事不必知知事不必實上下

否隔於其際真偽雜揉於其間聚怨囂囂詩十月之交

囂囂衆多貌騰謫藉藉漢江都王易傳口語藉藉欲無疑阻其

可得乎物論則然人心可見蓋謂含弘聽納易坤象傳

是聖主之所難鬱抑猜嫌是衆情之所病伏惟陛下神

無滯用鑒必窮微愈其病而易其難如淬鋒潰疣決防

注水耳可以崇德美可以濟艱難陛下何慮不行而直

為此懍懍也書泰誓百姓懍懍臣謂定因文武羣官入參

之日陛下特加延揖親與敘言備詢禍亂之由明示各

悔之意各使極言得失仍令一一面陳軍務之際到即

引對不拘時限用表憂勤周公勤握髮吐餐而天下歸

心說苑敬慎周公戒伯禽曰子其無以魯國驕士矣我文王之弟也武王之弟也今王之叔父也吾於天下

亦不輕矣然嘗一沐而三握髮一食而三吐哺猶恐失天下之士則此義也又當假之

優禮悅以溫顏言切而理愜者必賞導以盡其情識寡

而辭拙者亦容恕以嘉其意有諫諍無隱者願陛下叶

成湯改過之美書仲虺之誥褒其直而勿吝其非有謀

猷可用者願陛下體大禹拜言之誠書皋陶謨獎其能

而亟行其策至於匹夫片善採錄不遺庶士傳言左傳襄十四年文註士卑不得徑聽納無倦是乃總天下之智以

助聰明順天下之心以施教令則君臣同志何有不從

遠邇歸心孰與為亂化疑梗為訥合禮樂記天地訥合

也勤易怨謫為謳歌孟子萬章謳歌者不謳歌堯之浹辰

之間左傳宣九年浹辰之間楚克二都可使丕變陛下

倘行之不厭用之得中從義如轉圓進善如不及漢梅福傳

及昔高祖納善若不推廣此道足致和平其於昭德塞違

恐不止當今所急也慮有愚而近道事有要而似迂冀

垂睿思反覆詳覽必或無足觀採捨棄非遙謹奏

奉天論前所答奏未施行狀

臣某言賊泚逋誅尚亢官禁陛下思念宗廟痛傷黎元

仁孝交感至於憤激獲以急務下詢微臣臣雖鄙懦尊

慕仁義荷陛下知己之遇感陛下思理之誠愚衷所懷

承問輒發不以淺深自揆不以喜怒上虞誠缺於周防

杜預左傳序聖人包周身之防承順之規孝經君子事是亦忠於陛下

一至之分也前奉詔問尋具上陳請延羣臣稍與親接
廣咨訪之路開諫諍之門通壅鬱之情弘採拔之道自
獻答奏迨茲彌旬不聞施行不賜酬詰未審宸旨以為
何如昧於忖量但務竭盡恐猶辭理蹇拙不能暢達事
情悽悽血誠後漢楊賜傳不盡其悽悽也敢願披瀝頻煩黷
冒豈不慙惶蓋犬馬感恩思效之心漢汲黯傳臣常有
思報效文選曹植上責睽睽而不能自止者也劉向九
躬詩表犬馬戀主之情臣聞立國之本在乎得衆得衆之要在乎見
情故仲尼以謂人情者聖王之田記禮文言理道所由生
也是則時之否泰事之損益萬化所繫必因人情情有
通塞故否泰生情有薄厚故損益生通天下之情者莫

智於聖人盡聖人之心者莫深於易象其別卦也乾下
坤上則曰泰坤下乾上則曰否其取象也損上益下則
曰益損下益上則曰損乾為天為君坤為地為臣天在
下而地處上於位乖矣而反謂之泰者上下交故也君
在上而臣處下於義順矣而反謂之否者上下不交故
也氣不交則庶物不育情不交則萬邦不和天氣下降
地氣上騰然後歲功成君澤下流臣誠上達然後理道
立損益之義亦由是焉上約己而裕於人人必悅而奉
上矣豈不謂之益乎上蔑人而肆諸己人必怨而叛上
矣豈不謂之損乎然則上下交而泰不交而否自損者
人益自益者人損情之得失豈容易哉故喻君為舟喻

入為水水能載舟亦能覆舟家語五儀君者舟也庶人者水也水所以載舟亦所以覆舟

舟即若道水即人情舟順水之道乃浮違則沒君

得入之情乃固失則危是以古先聖王之居人上也必

以其心從天下之心而不敢以天下之人從其欲乃至

兢兢業業一日二日萬幾書皋陶謨文夫幾者事之微也以聖

人之德天子之尊且猶慎事之微乃至一日萬慮豈不

以居上接下懼失其情歟書曰人心惟危道心惟微大禹謨

微則萬幾之慮不得不精也危則覆舟之戒不得不

畏也夫揆物以意宣意以言言或是非莫若考於有跡

跡或成敗莫若驗於已行自昔王業盛衰君道得失史

冊盡在粲然可徵與眾同欲靡不興違眾自用靡不廢

從善納諫靡不固遠賢恥過靡不危故詩書稱堯德則

曰稽于衆捨己從人書大禹謨文數葉本舜之功則曰明四

目達四聰書舜典文言務同欲也序禹之所由興則曰益贊

于禹禹拜昌言大禹謨文述湯之所以王則曰用人惟己改

過不吝仲虺之謨文言能納諫也歌文王作周則曰濟濟多

士文王以寧詩文王詩多威儀也美武王克殷則曰亂臣十

人同心同德書泰誓文傳言皆從善也堯舜禹湯文武

此六君者天下之盛王也莫不從諫以輔德詢眾以成

功是則德益盛者慮益微功愈高者意愈下及代之衰

也則道亦反焉故書曰紂有億兆夷人離心離德書泰誓文

傳夷人凡人也雖多言違眾也詩曰汝魚然于中國斂

怨以為德不明爾德時無背無側爾德不明以無陪無

詩蕩文箋魚然自矜氣健之貌歛聚羣不逞作怨之

也陪箋無又曰雖無老成人尚有典刑曾是莫聽大命

以傾同言遠賢也書曰謂人莫己若者仲虺之詩曰

惟彼不慎自獨俾藏自有肺腸俾人卒狂桑柔文箋有

中之所欲疏不謀於衆言自用也前史數桀紂之惡曰

強足以拒諫辯足以飾非史殷本紀言恥過也考得失

於已行之迹鑒盛衰於已驗之符孰失道而不衰孰得

理而不盛報應以類影響不差胡可不則而象之敬而

畏之乎粵自秦漢暨于周隋其間將歷千祀代興者非

一姓繼覆者非一君雖所遇殊時所為異迹然失象必

敗得象必成與堯舜禹湯同務者必興與桀紂幽厲同

趣者必覆全失象則全敗全得象則全成多同於善則

功多甚同於惡則禍甚善惡從類端如貫珠記樂成敗

象行明若觀火書盤庚文疏此歷代之元龜也尚恐議

者曰時異事殊臣請復為陛下粗舉近效之尤章章者

以辯焉大宗文皇帝以天縱之才有神器之重老子天

武定禍亂文致太平威行如雷霆明照侔日月英略施

於百勝孫子謀攻百戰百勝聖功被於九歌書大禹謨水

惟修正德利用厚生惟固非庶品之所度量常情之所

鑽仰論語子罕仰之彌高鑽之然猶兢兢畏慎懼失入

心每戒臣下獻規恒以危亾為慮夙興聽理日盱忘勞

公卿迭趨庭奏庶務評議得失與眾共之下無滯情上
 無私斷退朝之暇宴接待臣諮訪謀猷詢求過闕或論
 往古成敗或問人間事情每言及暗主亂朝則省懼自
 戒言及賢君理代則企竦思齊言及稼穡艱難則上下
 相匡務遵勤儉言及閭閻疾苦則君臣同慮議息征徭
 懋德懲違觸類滋長尚恐過言謬舉既往難追每召宰
 相平章必遣諫官俱入小有頗失隨即箴規得一善必
 遽命甄昇聽一諫必明加褒錫故得時無闕事人樂輸
 誠又引文學之流更直宿於內署或講求典禮或諷誦
 詩書每至夜分情忘厭倦夫以太宗之德美貞觀之理
 安且猶務得人心其勤若此是則人心之於理道可一

日而不接乎高宗始年亦親聽納故當時翕然歸美以
 為有貞觀之風兼賴遺澤在人先範垂裕幸無改作俗
 以阜康數十年間天下無事承平之業滋久倦勤之意
 頗彰燕居益深通鑑高宗顯慶二年紀上自即位每日
視事宰相奏天下無虞請隔日視事許
 之下接下彌簡前哲之耿光浸遠書立政文王之
耿光疏光揚中宮之
 威柄潛移通鑑五年十月上皆稱旨由是始委以政事權
或使皇后决之皆稱旨由是始委以政事權
 與人卒有嗣聖臨朝聖中宗年號唐則天紀嗣聖元
年二月廢皇帝為廬陵王幽之皇
 太后稱制天授革命則天紀永昌二年九月改國號周改
元天授加尊號曰聖神皇帝降皇帝
 為皇嗣賜姓武氏立武氏七廟于神都易豕傳湯武革命順乎天
豈不以經邦之道闕
 疇咨於友猷疇咨書堯典文傳疇誰嗟人之宴安之
難得也大猷詩巧言文箋猷道也
 懷左傳閔元年宴安
猷毒不可懷也溺偏信於近狎馴致禍變馴致易
象傳文

疏也猶狎將傾邦雖亂匪自他然其失一也弊俗一靡

餘風遂流通鑑中宗復于位景雲年號之間皆孽倖

亂朝聰明不達坐通鑑中宗紀上每臨朝韋后已抗帷帳

辯慧能文明吏事使掌制命益委任之辨為婕妤三思

通焉薦三思於韋后上遂與三思圖議政事數微服幸

其第二思與后通由是武氏之勢復振安樂公主婕妤

皆依勢用事請謁受賕婕妤好立外第出入無節朝士從

之遊求進達安樂公主尤驕橫宰相以下多出其門上

宗紀太平公主與太子共誅韋氏屢立大功益尊重上

嘗與之一言權傾人主退玄宗躬定大難手振宏綱景龍

六月韋后入弒中宗玄宗時為臨淄王起兵誅之及安

樂公主開元元年七月太平公主謀逆玄宗誅之車見

通鑑唐書開懷納忠克己從諫尊用舊老採拔羣才大臣

不敢壅下情私昵不敢干公議朝清道泰垂三十年謂

化已行謂安可保耳目之娛漸廣憂勤之志稍衰侈心

一萌邪道竝進貪權竊柄者則曰德如堯舜矣焉用勞

神承意趣媚者則曰時已太平矣胡不為樂有深謀遠

慮者謂之迂誕驚眾有謹言切諫者謂之誹謗邀名至

尊收視於穆清上宰養威於廊廟議曹以頌美為奉職

府以厚歛為公忠通鑑玄宗紀上在位久用度日侈王

望外寵持竊國之勢安祿山楊內寵擅迴天之謠通鑑

紀揚貴妃妙三人皆有才色上呼之為嬖出入官掖並

承恩澤勢傾天下後漢宦者傳天下語曰左回天具獨

坐禍機熾然燄燄滋甚書洛誥火始舉天下如居積薪

之上

漢賈誼傳抱火厝之積薪之下人人懼焚而朝廷

相蒙會意之省日務遊宴方謂有無疆之休大盜一興

至今為梗詩桑柔文傳梗病也豈不以忽於戒備逸於居安憚忠

鯁之佛心後漢來歙傳註鯁喻正直也甘諛詐之從欲

漸漬不聞其失以致葉陳作至於大失者乎肅宗懲致寇之

由蘊發亂之略虛受廣納同符乎太宗招延詢謀餼食

廢寢洞啓誠腑推心與人後漢光武紀蕭王豁披胸襟

忘己應物故得來蘇之望允塞商書仲虺之誥室家相慶

可蘇息配天之業勃興詩文王克配上帝先皇帝繼守恭

勤而益之以和惠惠則有感和則有親雖時繼艱屯而

衆不離析理尚寬大務因循而重作為然於紫宸聽朝

性
呂本

唐六典紫宸殿常限三人奏事亦宣諭德令謀責待臣

或賞其盡規或讓以容默惟本仁恕事多含弘諫雖未

從且不深忤情苟有阻終獲上通故君臣相安而人亦

小息陛下英資逸辨邁絕人倫武略雄圖宰籠物表憤

習俗以妨理任削平而在躬以明威照臨以嚴法制斷

流弊日久浚恒大深浚恒易恒初六文註求遠者驚疑而

阻命逃死之亂作近者畏懼而偷容避罪之態生君臣

意乖上下情隔君務致理而下防誅夷臣將納忠又上

慮欺誕故睿誠不布於羣物物情不達於睿聰臣於往

年曾任御史獲奉朝謁僅欲半年陛下嚴遠高居未嘗

降旨臨問羣臣跼蹐趨退詩正月謂天蓋高不敢不跼

也踏累亦不列事奏陳軒墀之間軒殿堂前檐特起曲椽無中梁者墀塗地

也禮天且采相諭宇宙之廣何由自通雖復例對使臣子赤墀

列延宰輔既殊師錫師錫書亮典文且異公言未行者

則戒以樞密勿論已行者又謂之遂事不諫論語八伯文包氏曰

事已遂不漸生拘礙動涉猜嫌由是人各隱情以言為可復諫止

諱至於變亂將起億兆同憂獨陛下恬然不知方謂太

平可致陛下以今日之所覩驗往時之所聞孰真孰虛

何得何失則事之通塞備詳之矣人之情偽盡知之矣

此句左傳僖二十八年文列聖升降之效歷歷如彼當今理亂之由

昭昭如此未有不興於得衆殆於失入裕於僉諧書亮典汝諧傳諧和

蔽於偏信濟美因乎納諫虧德由乎自

賢善始本乎憂勤失全萌乎安泰今陛下將欲悔禍徼

福去危從安若不循太宗創業之規襲肅宗中興之理

鑒天寶致亂之所以懲今者遷幸之所由則何以乎聖


懷彰令聞新遠邇之聽歸反側之心乎前承德音訪及

庸鄙敢緣斯議輒以獻聞自爾已來反覆千慮愚智有

分信非可移至今拳拳猶滯所見不勝愚誠懇款謹復

布露以聞臣某惶怖死罪謹言

陸宣公集釋義卷之二



Faint vertical text columns within a rectangular border, likely bleed-through from the reverse side of the page.

